

ZAPISNIK O RADU

**sa 15. Hitne sjednice Skupštine Kantona Sarajevo
održane u utorak, 28.01.2021. godine,
sa početkom rada u 10,00 sati**

Predsjedavajući Elvedin Okerić je pozdravio sve prisutne i otvorio 15. Hitnu sjednicu Skupštine Kantona Sarajevo.

Prema evidenciji Službe, **ONLINE** sjednici prisustvuje 33 zastupnika, što je dovoljan broj za punovažan rad i odlučivanje.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Mirza Čelik
5. Sabahudin Delalić
6. Mahir Dević
7. Amra Hasagić
8. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić

Predsjedavajući je informisao da u skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Nadalje, predsjedavajući je podsjetio da je Kolegij Skupštine Kantona Sarajevo na sjednici održanoj 25.01.2021. godine utvrdio da postoji osnov za sazivanje Hitne sjednice Skupštine Kantona Sarajevo i odredio termin održavanja iste za dan 28.01.2021. godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit će se danas na samoj sjednici.

U skladu sa Zaključkom Kolegija Skupštine, predsjedavajući je predložio sljedeći dnevni red:

1. Informacija o migrantskoj krizi u Kantonu Sarajevo,

Nadalje, predsjedavajući je pozvao zastupnice i zastupnike ukoliko žele da predlože dodatne tačke dnevnog reda. Prva se prijavila Bibija Kerla koja je predložila Odluku o raskidu ugovora za iznajmljivanje Benetona na Bjelašnici, međutim predsjedavajući je informisao da tačka nije za Hitnu sjednicu s obzirom na temu migrantske krize u Kantonu Sarajevo.

Zastupnik Haris Zahiragić je predložio da se usvoji inicijativa o održavanju sjednica Skupštine uživo, a ne preko online platforme. Predsjedavajući je informisao da će se izjašnjavanje obaviti nakon diskusije po tački dnevnog reda.

Nakon zastupnika Zahiragića za riječ se javio zastupnik Zvonko Marić, sugerišući da se diskusija nastavi u smjeru Informacije o migrantskoj krizi u Kantonu Sarajevo. Nakon zastupnika Zvonka Marića za riječ su se javili zastupnik Igor Stojanović, zastupnik Damir Nikšić i zastupnica Bibija Kerla.

PREDSJEDAVAJUĆI JE POZVAO NA IZJAŠNJAVANJE O DOPUNI DNEVNOG REDA PO PRIJEDLOGU INICIJATIVE HARISA ZAHIRAGIĆA I NAKON GLASANJA SKUPŠTINA OVAJ PRIJEDLOG ZA DOPUNU DNEVNOG REDA (7 „ZA”, 13”PROTIV” I 7 „SUZDRŽANIH”)

UTVRĐIVANJE DNEVNOG REDA

Dnevni red 15. Hitne sjednice Skupštine Kantona Sarajevo glasi:

1. Infomacija o migrantskoj kriza u Kantonu Sarajevo,

PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU DNEVNOG REDA ZA 15. HITNU SJEDNICU SKUPŠTINE KANTONA SARAJEVO.

NAKON GLASANJA KONSTATOVANO JE DA JE SKUPŠTINA ZA 15. HITNU SJEDNICU USVOJILA (29 „ZA”) DNEVNI RED KAKO JE I PREDLOŽEN.

AD – 1.

INFORMACIJA O MIGRANTSKOJ KRIZI U KANTONU SARAJEVO

Predsjedavajući je pozvao predstavnika Vlade da podnese uvodne napomene. Skupštini se prvo obratio premijer Edin Forto, zatim ministar unutrašnjih poslova Admir Katica i načelnik sektora uniformisane policije Džafer Hrvat.

U nastavku, predsjedavajući je informisao da su na osnovu Zaključka Kolegija Skupštine Kantona Sarajevo, na sjednicu Skupštine pozvani predstavnici Ministarstva sigurnosti BiH, Službe za poslove sa strancima, Međunarodne organizacije za migracije (IOM), Predsjednika Federacije BiH, predstavnike Kantonalne uprave za inspeksijske poslove, načelnike općina Hadžići i Ilidža, da upoznaju Skupštinu Kantona Sarajevo sa informacijama iz svojih resora, vezano za migrantsku krizu u Kantonu Sarajevo.

Prva se Skupštini obratila Šefica misije Međunarodne organizacije za migracije (IOM) u Bosni i Hercegovini i koordinatorica za Zapadni Balkan Laura Lungarotti, a nakon nje obratili su se predstavnici Ministarstva sigurnosti BiH Senahid Godinjak, predstavnik Službe za poslove sa strancima Mirsad Buzar i načelnik općine Ilidža Nermin Muzur. Obraćanja gostiju su sadržana u stenogramu ove sjednice.

Nakon obraćanja gostiju, otvoren je prostor za pitanja po Informaciji o migrantskoj krizi u KS. Pitanja su postavili zastupnik Zvonko Marić, zastupnik Haris Zahiragić, dopredsjedavajuća Danijela Kristić, zastupnik Aljoša Čampara, zastupnik Elvis Vreto, zastupnik Sead Milavica, zastupnik Senad Hasanović, zastupnica Jasna Duraković, zastupnik Damir Nikšić, zastupnik Mahir Dević, zastupnica Jasmina Bišćević-Tokić, zastupnica Admela Hodžić, zastupnica Bilsena Šahman, zastupnik Mirza Čelik, zastupnik Samir Suljević, zastupnik Dževad Poturak

Dopredsjedavajući Vitor Handžić je informisao o obavezi pojedinih zastupnika u Domu naroda pa je predložio pauzu od sat vremena. Pauza u trajanju od sat i 15 minuta je data na glasanje i ista je prihvaćena.

NAKON PAUZE

Nakon pauze u radu Skupštine, predsjedavajući je pozvao članove Vlade KS i goste da daju odgovore na pitanja zastupnica i zastupnika.

Prvi je odgovore dao Džafer Hrvat iz Uprave policije, zatim su odgovore dali ministar unutrašnjih poslova Admir Katica, ministrica za rad, socijalnu politiku, raseljena lica i izbjeglice Ivana Prvulović, zatim ministrica za odgoj i obrazovanje Naida Hota- Muminović. Svi odgovori su sadržani u stenogramu ove sjednice.

Nakon obraćanja članova Vlade Kantona Sarajevo predsjedavajući je otvorio diskusiju. U diskusiju po Informaciji o migrantskoj krizi u KS učestvovali su sljedeći zastupnici/zastupnice:

Senad Hasanović, Danijela Kristić, Aljoša Čampara, Zvonko Marić, Bilsena Šahman, Elvis Vreto, Bibija Kerla, Dževad Poturak, Damir Nikšić, Jasmina Bišćević-Tokić, Neira Dizdarević, Haris Zahiragić i Mahir Dević.

Nakon velikog broja diskutanata, predsjedavajući je informisao da je pristigao veliki broj prijedloga za donošenje zaključaka pa je predložio da se usvoji pauza od 30 minuta. Pauzu je predložio klub zastupnika Naše stranke.

Nakon pauze uslijedilo je izjašnjavanje po prijedlozima zaključaka koje su dostavili zastupnici i zastupnice:

Na prijedlog Kluba zastupnika SBB, Skupština je jednoglasno (28 „za”) usvojila sljedeću:

INICIJATIVU

S obzirom da migrantska kriza potresa našu zemlju i budući da se ne nazire njen kraj, potrebno je donositi drugačije strateške mjere u nastojanjima da se upravlja krizom koja je zahvatila BiH. U tom smislu je potrebno da se Skupština Kantona Sarajevo odredi spram sugestije prema Vijeću ministara BiH da se resornim ministarstvima aktiviraju podračuni ili utemelji fond u koji bi općine, kantoni, entiteti i nevladine organizacije sukladno svojim mogućnostima i opredjeljenjima uplaćivali novčana sredstva za školovanje i osposobljavanje graničnih policajaca. Time bi doprinijeli da se u nastavnim centrima u Sarajevu i Mostaru, odškoluju granični policajci koji bi osiguravali granice BiH, posebno na područjima na kojima prelazi ogroman broj nelegalnih migranata.

Poznato je da je stanje u ovom segmentu poražavajuće i da je kadrovska podkapacitiranost Granične policije poražavajuća i da se na svakih 20 kilometara može rasporediti tek po 1 granični policajac. Vjerujemo da bi Vlada i Skupština Kantona Sarajevo, usvajanjem ovakve inicijative poslala jasnu poruku da želi sistemski i dalekosežnije rješavati probleme migrantske krize.

Pored te mjere, apeliramo da se što prije pristupi deportaciji nelegalnih migranata u skladu sa zakonskom regulativom.

Ukoliko se bez odlaganja pristupi ovom procesu, biće poslana jasna poruka da BiH želi sistematično rješavati probleme vezane za migrantsku krizu uz poštivanje svih zakona i preuzetih obaveza, kao što je slučaj sa Sporazumom o readmisiji koji je potpisan sa Republikom Srbijom, odakle prelazi najviše migranata.

Skupštinu da se izjasnili o zaključcima zastupnika Haris Zahiragića.

1. Pozivamo Ministarstvo unutrašnjih poslova Federacije Bosne i Hercegovine da se konačno počne baviti migrantskom krizom sa sigurnosnog i krivično pravnog aspekta, a u skladu sa svojim isključivim nadležnostima.

Prvi zaključak nije usvojen, ZA je glasalo 13, protiv 2 i suzdržanih 11.

Na prijedlog zastupnika Harisa Zahiragića, Skupština je jednoglasno (32 „za”) usvojila sljedeću:

INICIJATIVU

1. Izražavamo podršku građanima Unsko-Sanskog Kantona i Bosanske krajine, a u vezi sa svim problemima sa kojima se susreću u vezi sa negativnim efektima migrantske krize i suosjećamo se, jer Kanton Sarajevo se susreće sa istim problemima.

Na prijedlog Vlade Kantona Sarajevo, Skupština je jednoglasno (28 „za”) donijela sljedeće:

ZAKLJUČKE

1. Zahtjevamo da Vijeće ministara Bosne i Hercegovine i nadležne državne institucije preuzmu odgovornost cjelovitog upravljanja migrantskom krizom uz puno uvažavanje nadležnosti i mišljenja nižih nivoa vlasti;
2. Da Predsjedništvo Bosne i Hercegovine i Vijeće ministara Bosne i Hercegovine hitno, a najkasnije do 28.02.2021. godine donese Odluku o ukupnoj podnošljivoj kvoti broja migranata u Bosni i Hercegovini i ukupnoj podnošljivoj kvoti broja migranata unutar kampova u Bosni i Hercegovini;
3. Da Vijeće ministara Bosne i Hercegovine donese odluku o ravnomjernoj raspoređenosti migrantskih kampova na cijeloj teritoriji Bosne i Hercegovine vodeći računa o logističkim, sigurnosnim i svim drugim aspektima i aktueliziranju pitanja na relevantnim adresama u Europskoj Uniji u smislu strateškog upravljanja migracijama u Europskoj Uniji;
4. Da nadležni organi pojačaju nadzor i kontrolu dijela granice Bosne i Hercegovine na kojoj je, prema dosadašnjim podacima, izvršen prelazak najvećeg broja ilegalnih migranata;
5. Da se pitanje smještaja migranata riješi planski, formiranjem kampova neposredno uz granicu prelaska, kako bi se mogao primijeniti mehanizam readmisije;
6. Apeliramo na institucije Bosne i Hercegovine da se aktivnije uključe u smanjenje pritiska na Bosnu i Hercegovinu po pitanju priliva broja migranata;
7. Kanton Sarajevo uključujući općine i lokalne zajednice, nastaviće u okviru svojih ovlasti da pružaju zdravstvenu, humanitarnu i sigurnosnu zaštitu migranata ali i prvenstveno građana Kantona Sarajevo. Kanton Sarajevo neće i ne može preuzeti odgovornost i rizik upravljanja migrantskom krizom u Bosni i Hercegovini jer za to nema ni ustavne ni zakonske nadležnosti, te iz tih razloga, a u cilju zaštite svojih građana, poziva institucije Bosne i Hercegovine da u skladu sa svojim nadležnostima provode aktivnosti u cilju upravljanja migrantskom krizom u Bosni i Hercegovini;
8. Kantona Sarajevo odbija uspostavljanje novih migrantskih kampova na području Kantona Sarajevo;
9. Bez odlaganja preduzeti odgovarajuće mjere i uputiti inicijative prema Ministarstvu sigurnosti Bosne i Hercegovine, IOM-u, te instancama na državnom nivou na osnovu kojih bi se spriječilo dalje nekontrolisano prebacivanje, prijem i smještaj migranata u prihvatne centre na području Kantona Sarajevo;
10. Zadužuje se Ministarstvo unutrašnjih poslova Kantona Sarajevo da u saradnji sa Upravom policije pripremi skup mjera za hitno kadrovske i materijalno-tehničko jačanje Uprave policije, a sve u cilju što efikasnijeg izvršenja poslova i zadataka vezanih za migrantsku krizu;
11. Zadužuje se Ministarstvo unutrašnjih poslova Kantona Sarajevo da u saradnji sa Upravom policije izvrši analizu provodivosti ili eventualna poboljšanja Zakona o prekršajima, Zakona o azilu i Zakona o strancima, a sve u cilju preveniranja vršenja prekršaja i krivičnih djela od strane migranata, te u većoj provodivosti da se migranti involvirani u protivpravne radnje (prekršaji, krivična djela) po ubrzanoj proceduri deportuju iz Bosne i Hercegovine, donošenjem rješenja o protjerivanju van BiH zbog inkriminisane radnje;

12. Nalaže se Ministarstvu pravde Kantona Sarajevo da u saradnji sa Kantonalnom upravom za inspekcijske poslove i Upravom policije Ministarstva unutrašnjih poslova Kantona Sarajevo, izvrši analizu propisa iz djelokruga rada inspekcijskih organa, te pokrene izmjene propisa koji regulišu oblast rada inspekcijskih organa u cilju iznalaženja procedura za efikasnu kontrolu smještaja i prijavljivanja ilegalnih migranata u registrovanim i neregistrovanim objektima za te namjene (hoteli, moteli, privatne kuće);

13. Nalaže se Ministarstvu unutrašnjih poslova Kantona Sarajevo, Upravi policije Ministarstva unutrašnjih poslova Kantona Sarajevo, Kantonalnoj Upravi za inspekcijske poslove, Ministarstvu zdravstva Kantona Sarajevo, da preduzmu dodatne aktivnosti u cilju prevencije, kada su u pitanju prekršaji i krivična djela koja mogu počiniti migranti, uključujući poštivanje mjera vezanih za pandemiju COVID 19.

14. Ministarstvo saobraćaja Kantona Sarajevo i KJKP "GRAS" d.o.o Sarajevo poduzet će neophodne korake za uvođenje novih autobusnih linija na relaciji Ilidža-Vukovići, Ilidža-Rakovica i uvođenja većeg broja autobusnih linija na relaciji od Hadžića prema centru grada u skladu sa mogućnostima, nakon usvajanja Budžeta Kantona Sarajevo za 2021. godinu i dogovora sa Međunarodnom organizacijom za migracije (IOM).

15. Vlada Kantona Sarajevo obezbijedit će video nadzor na području Blažuja i Hadžića, posebno na dijelovima kojima se kreću migranti i u blizini kampova, nakon usvajanja Budžeta Kantona Sarajevo za 2021. godinu i uz saradnju sa Međunarodnom organizacijom za migracije (IOM).

16. Vlada Kantona Sarajevo imenovat će posebnog povjerenika za pitanje migranata, a koji će jednom mjesečno dostavljati informaciju Vladi Kantona Sarajevo o trenutnoj situaciji i broju migranata koji borave u centrima na području Kantona Sarajevo, kao i svim incidentalnim situacijama sigurnosne, epidemiološke, higijenske i druge prirode.

17. Vlada Kantona Sarajevo pristupit će sačinjavanju popisa neophodne opreme, koja se koristi u svakodnevnom aktivnostima vezanim za migrantske centre, te će od međunarodnih organizacija, prvenstveno od IOM-a, zatražiti pomoć u nabavci potrebnih materijalno-tehničkih sredstava. Zadužuju se Ministarstvo unutrašnjih poslova Kantona Sarajevo, JU Zavod za hitnu medicinsku pomoć Kantona Sarajevo, JU Dom zdravlja Kantona Sarajevo, JU "Kantonalni centar za socijalni rad" Sarajevo, KJKP "Vodovod i kanalizacija" d.o.o Sarajevo, KJKP "Rad" d.o.o Sarajevo, da bez odlaganja Vladi dostave liste potrebnih materijalno-tehničkih sredstava koja će sačinjavati ukupnu listu potreba.

18. Vlada Kantona Sarajevo uputit će zahtjev IOM da dostavi Protokole za postupanje u prihvatnim centrima po kojima su regulisane osnovne tehničke stvari u istima u drugim državama, kako bi se izvršila usporedba i eventualno koristile prakse za poboljšanje stanja u Bosni i Hercegovini (Kanton Sarajevo).

Na prijedlog zastupnika Elvisa Vrete, Skupština je je jednoglasno (28 „za”) usvojila sljedeći zaključak:

1. Traži se od nadležnih državnih organa i institucija Bosne i Hercegovine da se razmotre izmještanje postojećih migrantskih kampova Blažuj i Ušivak u što je moguće kraćem roku u nenaseljena područja, shodno i odluci Predsjedništva Bosne i Hercegovine iz 2020.godine i to formiranjem kampova neposredno uz granicu prelaska.

Nakon glasanja po inicijativama i predloženim zaključcima, predsjedavajući Okerić je zaključio diskusiju i konstatovao da je Skupština primila k znanju Informaciju o migrantskoj krizi u KS, a s obzirom da je dnevni red iscrpljen, predsjedavajući je zaključio rad na 15. Hitnoj sjednici.

Zapisnik izradila:
Jasminka Deliahmetović

S E K R E T A R
SKUPŠTINE KANTONA SARAJEVO

Aida Zeković, dipl. pravnik

P R E D S J E D A V A J U Ć I
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.